



七國形勢攷上



地利不如人和在德不在險六國有地險而不行仁義卒并於秦，又不監而漢滅之作七國形勢攷

秦



蘇秦說秦惠王曰秦四塞之國被山帶渭東有關河西有漢中

南有巴蜀北有代馬此天府也

戰國策云西有巴蜀漢中之利北有胡貉代馬之用南有巫山黔中之限東有散函之固地勢

形便此所謂天府天下之雄國也

范雎對秦昭王曰大王之國四塞以為固北有

甘泉谷口南帶涇渭右隴蜀左關阪此王者之地也 春申君

說秦昭王曰大國之地編天下有其二垂此愷生民已來万乘

之地未嘗有也王又舉甲而攻魏杜大梁之門舉河內拔燕酸
棗虛桃入邢魏之兵雲翔而不敢救王之功亦多矣王休甲息
衆二年而後復之又并蒲衍首恒以臨仁平立黃濟陽嬰城而
魏氏服王又割濮磨之北注齊秦之要絕楚趙之脊天下五合
六聚而不敢抹王之威亦殫矣 荀子疆國篇曰古者百王之
一天下臣諸侯也未有過封內千里者也今秦南乃有沙羨與
俱是乃江南也北與胡貉為隣西有巴戎東在楚者乃界於齊
在韓者踰常山乃有臨慮在魏者乃據圉津即去大梁百有二
十里耳其在趙者剡然有苓而據松柏之塞負西海而固常山

是地徧天下也威動海內疆殆中國然而憂患不可勝校也魏
認常恐天下之一合而軋已也此所謂廣大乎舜禹也 應侯
問曰入秦何見荀卿子曰其國險塞形執便山林川谷美天材
之利多足形勝也 太史公六國表曰秦始小國僻遠諸夏擯
之比於戎翟至獻公之後常雄諸侯論秦之德義不如魯衛之
暴戾者量秦之兵不如三晉之彊也然卒并天下非必險固便
形勢利也蓋若天所助焉或曰東方物所始生西方物之成就
夫作事者必於東南收功實者常於西北故禹興於西羌湯起
於亳周之王也以豐鎬代殷秦之帝用雍州興漢之興自蜀漢

韓非初見秦曰天下陰燕陽魏連荆固齊收韓而成愷將西
面以與秦強為難今秦地折長補短方數千里名師數十百萬
秦之號令賞罰地形利害天下莫若也以此與天下天下不足
兼而有也 田肯曰秦形勝之國也帶河阻山縣隔千里持戟
百萬秦得百二焉地執便利其以下兵於諸侯猶居高屋之上
建瓴水也

巴蜀

甘茂曰張儀西并巴蜀之地北取西河之外南取上庸索隱張儀伐蜀

蜀王開戰不勝為儀所滅張儀說楚王曰秦西有巴蜀大船積粟起於汶山

浮江以下至楚三千餘里舫船載卒一舫載五十人與三月
之食下水而浮一日行三百餘里數雖多然而不費牛馬
之力不至十日而拒扞關扞關驚則愷竟陵以東盡城守矣

黔中巫郡非王之有蜀見於牧誓地與秦接通典云所謂巴實彭濮之人秦惠王使司馬錯伐蜀有其地利州益昌縣古劔閣道秦伐蜀所由

謂之石牛道陳子昂云昔蜀與中國不通秦以金牛美女啖蜀侯使五丁力士伐褒斜鑿
通谷迎秦之饋秦隨以兵而地入中州元和郡縣志武王伐殷巴人助焉後封為巴子其地
東至魚復西犍道接漢中南極牂柯是其界也戰國策秦伐蜀十月取之蜀既屬秦益強
秦紀惠文九年滅蜀華陽國志云蜀之先肇於人皇之際黃帝為子昌意娶蜀山氏後子孫
因封焉秦滅蜀因滅巴通典巴國今巴壁蓬集合忠萬是其地蘇氏曰秦之憂在六
國也蜀最僻最小最先取楚最強最後取

漢中

楚地按秦紀孝公元年河山以東疆國六與齊威楚宣魏惠

燕悼韓哀趙成侯並淮泗之間小國十餘所謂泗上十二諸侯也楚魏與

秦接界魏築長城自鄭濱洛以北有上郡楚自漢中南有巴

黔中周室徵諸侯力政爭相併秦僻在雍州不與中國諸侯

之會盟夷翟遇之正義云楚自梁州漢中郡南有巴渝過江南有黔中巫郡惠文十三年庶長章

擊楚於丹陽虜其將屈匄又攻楚漢中取地六百里置漢中

郡齊湣王遺楚王書曰王欺於張儀亡地漢中李斯曰惠王

用張儀之計南取漢中蔡澤謂危難相秦棧道千里通於蜀漢後漢注故城在梁州

南鄭縣東北

穀函

呂氏春秋九塞穀其一也左傳晉敗秦師於穀穀有二陵杜預曰穀在渾池縣西北道

在二穀之間南谷中谷深委曲兩山相嶽故可以避風雨公羊傳云穀之嶽嶽

穀梁傳云穀巖陰之下春秋正義云俗呼為土穀石穀其阨

道在兩穀之間水經注穀水又東逕上穀北所謂三嶠也甘茂自穀塞及至鬼谷後語作槐谷注

槐里之谷今京兆始平之地其地形險易皆明知之郡縣志三嶠山隋大業元年廢二嶠道

又名嶽崮山在河南府永寧縣北二十里自東嶠至西嶠三十五里東嶠長坂數里峻阜絕澗車不

得方軌西嶠石坂十二里漢馮異破赤眉於嶠底魏龐惠破張白騎於兩穀閻索隱鬼谷在閩內雲陽郡國志弘農故秦函谷關澠池有二嶠稟字記後劉隸陝州硤石縣在

縣東北四十六里硤石省為石壕鎮入秦函谷關在陝州靈寶縣西南十

二里硤石本嶠縣後魏置唐改函谷故城在縣南十里秦函谷關城漢弘農縣隋桃林縣也西征記曰閩城路在谷中深險如函故以為名其中旁通東西十五里絕岸壁立岩柏陰，陰谷中殆不見

日關去長安四百里日入則閉鷄鳴則開秦法也東自峭山西至潼津通名函谷号曰天險所謂秦得百二也桃林塞自縣以西石潼關皆是也春秋時晉侯使詹加處瑕守桃林之塞漢書注顏氏曰今桃林縣南有洪溜間水即古所謂函谷也其水北流入河

張良曰關

中左殺函西都賦左據函谷二峭之阻西范睢謂左關阪即殺函也南淮

墜形列九塞曰殺阪賈生過秦曰秦孝公據殺函之固春秋時殺桃林晉地非秦有也

四塞 關河

張儀曰秦地被山帶河四塞以為固劉伯莊曰河謂龍門西河山謂華山四面有山

關之固故曰四塞高誘注 徐廣曰東函谷南武關西散關北蕭關東有函谷蒲津龍門合

向等關南山及武關峽關西有大隴山及隴山關大震烏蘭

等關北有黃河南塞是四塞正義按秦地西有隴關東有函

谷臨晉南有峽武關北有蕭居庸天井關以臨胡庭故為關

中地理志云秦地於禹貢跨雍梁二州詩風兼秦函西國穆公稱伯以河為竟惠王得上

窮置列汧隴靡掩西戎拒守褒斜嶺南不通杜口紀津翔方無送

胡貉代馬

胡樓煩林胡之類國策注貉在東北方三韓之屬漢書注 晁錯曰時北攻胡貉

秦代郡有胡馬索隱一云代即馬邑張儀說趙王曰秦馬之良探前跌後

蹄間三秦騰者不可勝數蘇屬說趙王曰代馬胡駒張良曰關中北有胡苑

之利索隱苑馬牧也馬生於胡代郡屬趙始皇二十五年虜代王加後周置蔚州馬邑屬雁門郡後魏置朔州索隱又謂代郡有馬城縣然惠

王之時代未屬秦當及左傳莫之北土馬之所生注謂燕代

甘泉谷口

郡縣志甘泉山一名磨石嶺在京北府雲陽縣屬耀州西北九

十里周迴六十里雲陽宮即秦之林光宮漢之甘泉宮在縣西北八十里甘泉山

上關中記甘泉宮在甘泉山上宮北有連山西都賦其陰則冠

以九嶷以甘泉乃有靈宮起乎其中郊祀志寒門者谷口也顏氏曰谷口仲山

西京賦其遠則有九峻甘泉涸陰涇寒地理志左馮翊谷口縣九峻山在西溝洫志白公引涇水

治谷是也仲山之北寒源故謂寒門首起谷口

顏氏曰即今雲陽縣治谷口縣志京兆醴泉縣本谷口縣在九峻山東仲山西勇涇水出

山之處故謂之谷口史記正義九峻中山西謂之谷口即古寒門在醴泉縣東北四十里西

北去甘泉山八十里燕武曰秦地徧天下北有甘泉谷口之固南有涇渭之沃檀巴漢之

饒右隴蜀之山左閭敷之險通典谷口縣故城在醴泉縣北後漢及晉為池陽隋改醴泉天

事記文帝後元三年置谷口邑

隴

通典秦州秦隴西漢天水漢屬天水有大坂曰隴坻亦曰隴山或謂之隴

三秦記曰其坂九迴上者七日乃越秦州有大隴山亦曰隴首山論都賦置

華戎隴州汧源縣隴山一曰隴坻漢隴關今名大震關在縣西隴所以限東

西隴東則為漢三輔隴西則為漢天水隴西諸郡唐隴右之地唐書隴右之秦

涇渭

地理志并頭山并苦見反又音牽拾地志作并在安定涇陽縣西原州平

禹貢涇水所出東南至陽陵京北入渭雍州川拾地志涇水出鳥鼠

同穴山在隴西首陽縣西南渭州渭渭水所出東至船司空華

華入河雍州東方朔曰漢都涇渭之南所謂天下陸海之地

秦所以虜西戎無山東者也法言曰秦東大河南阻高山西采雍北自涇根便則申否則

燕酸棗虛桃邢

秦始皇紀五年將軍鶩攻魏之酸棗燕虛長平雍丘山陽城

皆拔之取二十城初志東郡地理志東郡南燕縣今滑州昨城縣故南燕國

陳留郡酸棗縣今開封府縣唐屬滑州正義虛即姚墟在濮州雷澤縣東

十三里蘇代曰决宿胥之口魏無虛垣徐廣曰燕縣有桃城括地志故桃城在滑州昨城縣

東三十里漢劉彙所封平阜有邢立正義邢立在怀州武德縣東南二十里武德縣鮑氏曰任城有桃聚今省入河内縣平阜縣故城在西

蒲衍

左傳注蒲在陳留長垣縣西南桓三年晉命於蒲徐廣曰長垣有蒲鄉輿地廣記古

蒲邑在開封府長垣縣子路為之宰唐屬滑州今按魏有蒲坂今河内府河東縣魏世家秦拔

我蒲坂是也有蒲陽故城在隰州隰川縣北四十五里在蒲水之北晉重耳所居邑魏世家秦降我蒲陽是也此當為長垣之

蒲索隱云衍在河南與卷近蘇秦曰北有卷衍正義云在鄭州秦紀始

皇九年攻衍氏曹參世家柱天俠反於衍氏進破衍氏正義謂魏邑在鄭州

首垣

戰國策韓侈謂秦王曰進齊宋之兵至首垣遠薄梁郭趙世

家公子刻攻魏首垣水經注竹書記年梁惠成王十三年鄭

釐侯致平立戶牖首垣諸邑又云長垣縣故首垣秦更名長垣

漢屬陳留屬開封府今按正義以首垣為二邑首即牛首故城在汴州陳留縣西南四十二里垣即長垣故城在匡成縣東北

二十七里廣記開封咸平縣有牛首城水經注沙水又東南迤牛首亭東左傳桓十四年宋伐鄭東郊取牛首哀十年晉伐鄭師於牛首鮑氏亦以首垣為二河東蒲坂有首山所謂雷首垣縣今垣城在絳州垣縣西北二十里愚謂魏有王垣垣縣有王屋山故曰王垣魏武侯二年城王垣白起攻垣城秦始皇九年攻魏垣蒲陽是也正義故策謂遠薄梁郭當收水經注為陳留之長垣

仁平丘

正義仁一本作任今任城縣屬濟州地理志屬東平地理志平丘縣屬

陳留春秋昭十二年盟平丘注云在陳留長垣縣西南即國老長垣有平丘城

黃濟陽

戰國策云外黃地理志縣屬陳留通典故城在汴州陳留縣東北魏河北河南皆有

黃城蘇秦說齊曰趙襲魏之河北燒棘溝墮黃城括地志故黃城在魏州冠氏縣南十里此河北之黃城也春申君傳正義故黃城在曹州考城縣二十四里此河南之黃城也考城今屬拱州

蘇代曰外黃濟陽地理志在魏州冠氏縣南十里此河北之黃城也春申君傳正義故黃城在曹州考城縣二十四里此河南之黃城也考城今屬拱州

黃縣注有黃溝左傳惠公敗宋師於黃注云外黃縣東有黃城水經注河水正義濟陽

故城在曹州冤句縣西南三十五里今開封府東明縣濟陽鎮漢濟陽縣屬陽留

濮磨新序云濮磨

徐廣云濮水北于鉅野入濟永初山川記云源出東郡地理志東郡濮陽縣故城在開德府濮陽縣東左傳哀二十七年齊

索隱磨地名近濮史記功臣表磨侯漢表作

地志漢歷縣城在滄州滄縣西南四十六里後縣今屬冀州樂毅善磨字一作曆按戰國策黃歇說秦曰割濮磨之北屬之燕則地在河北

沙羨

地理志縣屬江夏

美音夷輿地廣記鄂州江夏縣漢沙羨地秦屬南郡劉表使黃祖守沙羨為孫權所破楚世家能渠伐庸揚粵至於鄂注九州記曰鄂今武昌秦申君傳秦使白起攻楚取正黔中之即枝鄂鄂東至竟陵復州秦記昭王二十九年白起攻楚取鄂為南郡李氏曰漢江夏之鄂縣吳更名武昌今武昌縣是也今鄂州乃漢沙羨水經注江中有沙陽洲沙陽縣也縣本江夏之沙羨晉改沙陽故城今蒲圻縣

江南

戰國策城渾曰今邊邑之所恃者非江南泗上也

秦紀昭王二十一年蜀守若伐取

巫郡及江南為黔中郡三十一年楚人反我江南始皇二十五年王翦定荆江南地楚世家襄王收東地兵復西取秦所拔我江旁十五邑以為郡距秦楚辭章句襄王遷屈原於江南在江湘之間韓非初見秦曰取洞庭五湖江南 貨殖傳衡山九江，南豫章長沙是南楚也。徐廣曰江南者丹陽也秦郵郡

巴戎

巴在西南戎在西楊倞注秦紀武公伐邽冀戎初縣之繆公用

由余謀伐戎至益國十二開地千里厲共公伐大荔取其王

城孝公西斬戎之獠王惠王十一年縣義渠匈奴傳秦穆公得由余西戎八國服於秦百隴

以西有縣諸緼戎翟獠之戎岐梁山注漆之地有義渠大荔烏氏胸衍之戎 趙良曰五殺大夫相秦巴人致貢

八戎來服

常山

地理志常山郡今真恒山在西避文帝改通典常山在定州恒陽

縣今中山府北一百四十里楊倞注本趙山秦今有之張儀說楚曰秦地半天

下席卷常山之險必折天下之脊索隱云常山於天下在北

若人背脊

臨慮

地理志隆慮縣屬河內今相川林慮縣

後漢避殤帝名改

圍津

史記曹參世家至河內下修武渡圍津徐廣曰東郡白馬有

圍津

索隱按水經注白馬津有韋御韋城圍與韋同古今字變正義括地志云黎陽津一名白馬津在滑州白馬縣北三十里帝王世紀云白馬縣南有韋城故豕韋國

郡國志云白馬縣有韋城按韋津以韋為名或更改曰黎陽及白馬之名圍與韋字通滑州又有韋城縣漢白馬縣地隋置

去大梁百有二

十里魏都也按九城志滑州至東京二百一十里

苓

楊倞注苓地名未詳所在或曰苓與靈同漢書地理志常山

郡有靈壽縣今屬真定松柏之塞

戴延之西征記函谷是也

北益趙樹松柏與

秦為界今秦據有之

按地理志清河郡有靈縣今地廣記靈縣省入博州博平縣

西海

地理志金城郡臨羌縣西北至塞外有西王母石室僊海闕

駟云西有卑和羌即獻王莽地為西海郡者始皇紀云地西

至煇洮羌

通典西海即肅州之北千二百里司馬鑑曰利盡西海正義云西方羌戎索隱云謂蜀州

西羌

禹生自西羌皇甫謐曰孟子稱禹生石紐西夷人也

今孟子括地無此語

志石紐山在茂州汶川縣本丹西七十三里蜀王本紀禹本汶山郡廣柔
疏國日汶秦定曰禹生石紐今之汶山即是也輿地廣記綿州石泉縣本
有石紐山禹之所生也
澤廣柔縣地唐屬茂州

趙

蘇秦說趙肅侯曰當今之時山東之建國莫彊於趙，地方二
千餘里西有常山南有河漳東有清河北有燕國燕固弱國不
足畏也秦之所害於天下者莫如趙然而秦不敢舉兵伐趙者
何也畏韓魏之議其後也然則韓魏趙之南蔽鄙也竊以天下之
地圖案之諸侯之地五倍於秦料度諸侯之卒十倍於秦 國

為一并力西鄉而攻秦，必破矣竊為大王計莫如一韓魏齊
楚燕趙以從親以畔秦令天下之將相會於洹水之上通質割
白馬而盟要約曰秦攻楚齊魏各出銳師以佐之韓絕其糧道
趙涉河漳燕守常山之北秦攻韓魏則楚絕其後齊出銳師而
佐之趙涉河漳燕守雲中秦攻齊則楚絕其後韓守成臯魏塞
午道趙涉河博關燕出銳師以佐之秦攻燕則趙守常山楚軍
武關齊涉勃海韓魏皆出銳師以佐之秦攻趙則韓軍宜陽楚
軍武關魏軍河外齊涉清河燕出銳師以佐之諸侯有不如約
者以五國之兵共伐之六國從親以賓秦則秦甲必不敢出於

函谷以害山東矣

武靈王北略中山之地至於房子遂之代北至無窮西至河登黃華之上召樓緩謀曰我先王因世之變以長南藩之地屬阻漳滏之險立長城又取藺郭狼敗林人於荏而功未遂今中山在我腹心北有燕東有胡西有林胡樓煩秦韓之邊而無強兵之救 王謂公子成曰吾國東有胡薄洛之水與齊中山同之無舟楫之用自常山以互代上黨東有燕東胡之境而西有樓煩秦韓之邊今無騎射之備故寡人無舟楫之用夾水居之民將何以守河薄洛之水變服騎射以備燕三胡秦韓之邊且昔

者藺主不塞晉陽以及上黨而襄王并戎取代以攘諸胡此愚智所明也先時中山負齊之疆兵侵暴吾地係累吾民引水圍鄣微社稷之神靈則鄣幾于不守也先王醜之而怨未能報也今騎射之備近可以便上黨之形而遠可以報中山之怨 韓非子應侯謂秦王曰 上黨以臨東陽則邯鄲口中虱也 蘇屬為齊遺趙王書曰燕盡齊之北地去沙丘鉅鹿 三百里韓之上黨去邯鄲百里燕秦謀王之河三間三百里而通矣秦之上郡近扞關至於榆中者千五百里秦以三郡攻王之上黨年賜之西向注之南非王有矣輸向注斬常山而守之三百里而

通於燕代馬胡大不東下且山之玉不出此三寶者以北王有也 戰國策說張相國曰趙萬乘之疆國也前漳滏右常山左河間北有代帶甲百万嘗抑疆秦四十餘年而秦不得所欲樂間對燕王曰趙四戰之國也其民習兵正義東隣燕齊西邊秦樓煩南界韓魏北迫匈奴韓非初見秦曰趙氏中央之國也雜民所居也趙居邯鄲燕之南者之西魏之北韓之東故曰中央兼四國入故曰雜

常山

正義在鎮州西定州桓陽縣北百四十里地道記云在上曲

陽縣即恒陽今曲陽縣

西北百四十里北行四百五十里得常山峻狹

飛狐口北則代郡也世家母邱曰從常山上臨代，可取也括地志上曲陽故城在定州曲陽縣西五里

河漳

正義在潞州地理志濁漳出上黨長子縣鹿谷山今潞州長子縣發鳩山東

至鄴入清漳清漳出沾縣大龜谷今平定軍樂平縣少山東北大河蘇秦曰秦甲渡河踰漳據番

吾則兵必戰於邯鄲之下矣括地志蒲吾故城在鎮州房山縣東二十里言秦兵渡河歷南陽入羊腸徑澤潞渡漳水守蒲

吾城則與趙戰於都城下趙世家惠文王二十一年從漳水武平西張儀曰秦趙

戰於河漳之上再戰而趙再勝河一作清潞州有清漳縣山海經少山清漳水出焉郭璞曰入武安南入濁漳

清河

今貝州漢清河郡張儀說趙曰秦告齊使興師渡清河軍於
邯鄲之東水經清水車入於河謂之清口即淇河口也淇水東北過廣宗縣東為
為清河地理志清河出水出魏郡內黃縣南

洹水

正義出相州林慮縣西北林慮山中地魏志注隆慮山在縣北洹水在相州北四里項羽與

章邯盟洹水南殷虛上正義國都城記云鄴縣城西南四十里有洹水輿地廣記相州臨漳

縣本鄴縣後周分東北界置洹水縣省入大名府成安山海經神園

之山黃水出焉東流注於洹隋圖經俗謂安陽河即聲伯夢

涉之所

雲中

正義故城在勝州榆林縣東北四十七里漢匈奴傳趙武靈

王北破林胡樓煩自代並陰山下至高關為塞置雲中雁門

代郡雲中郡今勝州單于府之地趙世家武靈王二十六年復攻中山攘地北至

燕代西至雲中九原二十七年西北略胡地欲泛雲中九原

直南襲秦水經注虞氏記云趙氏自五原河由築長城東至陰山又於河西造大城一箱不熟乃改下陰山河曲畫見羣鳥遊於雲中光在其下即其處築城

雲中城是也唐志烏吐谷二百七里至故雲中城

午道

張儀說趙曰秦一軍塞午道索隱曰當在趙之東齊之西鄭

玄云一縱一橫為午謂交道也鮑氏曰長安有子午谷北山是子南山是午為子午道則午道秦南道也塞之使不得通

博關

正義涉貝州南河至博陵今博州博平縣漢屬東郡張儀說齊曰老趙兵渡清河拍博關宿留即墨非王之有也輿地廣記博州戰國屬者

趙衛三國之交徐廣曰齊威王六年晉伐齊至博陵

勃海

正義齊愷滄州渡河至瀛州滹沱志河出昆侖徑中國注勃海漢置渤海郡後魏置滄州春秋釋例云海自遼西北平漁陽章武渤海樂陵樂安北海東萊城陽東海廣陵吳郡會稽十四郡之東界以東

河外

索隱謂陝及曲沃等處正義謂同華州張儀說齊曰梁效河外索隱云河之南邑說趙曰秦驅韓梁軍於河外正義謂鄭滑州北臨

中山

春秋時為鮮虞定四年傳中山不服中山之名乃始見於此大事記威烈王二十二年中山武公初立索隱曰中山古鮮虞國姬姓魏文武使樂羊伐取之及武侯之世趙世家書與中山戰於房子是時蓋已復國其後與諸國並稱王其勢又強美廣記中山府安喜縣古中山國新樂縣古鮮虞國李公緒趙記云鮮虞姬姓春秋之末曰中山

房子

縣屬趙州唐改為臨城

郡縣志故城在高邑縣西南十五里穆天子傳曰至房子登寶皇山漢屬常山郡

代

北狄之別也世家曰翟天者代之先也匈奴傳趙襄子踰句

注而破并代以臨胡貉正義代郡城北狄代國秦漢代縣城

也在蔚州羗胡縣

當作飛狐

北百五十里

輿地廣記蔚州本代國在常山之北趙襄子字代地及武靈王置代

郡趙有代句注之北與戎狄邊界

無窮

戰國策武靈王破原陽以為騎邑牛贊進諫王曰昔者先君

襄王與代交地城境封之名曰無窮之門所以昭後而期遠也

黃華

正義蓋西河側之山名

水經注隆慮縣有黃水出於神囿山黃華谷北崖相州林慮縣本漢隆慮隋因徑黃華水出隆慮縣西北崖

上高十七里去地七里懸水東南注窟巖下其谷号黃花谷

劉劭趙都賦置酒於黃華

之鄧

漳滏

通典相州滏陽縣有漳河滏水

今屬魏州

郡國志鄴有滏水

劉劭趙都賦清

漳發漳濁滏汨越湯泉滏洪波漂方戰國策吳起曰殷紂之國左孟門而右漳滏文選

注滏水熱若出於釜因名焉郡縣志滏水出磁州滏陽縣西北四十五里鼓山泉源奮涌

若釜水之沸揚故以滏名之入陞第四曰滏口陞山嶺高深實為險阨淮南陸形訓清漳出榻房濁漳出發苞釜出景注二漳合流徑魏郡入清河景山在邯鄲西南釜水所出

山海經神囿之山滏水出焉東流注于歐水注滏水今出臨水縣西釜口山徑鄴西北至列入縣入于漳其水熱魏都賦北臨漳滏則冬夏異流水經注出石鼓山南巖下久温夏

冷東流注於潭又謂之合河

長城

世家肅侯^{十七年}築長城括地志武靈王長城在朔州善陽縣北
按此所謂立長城者在武靈王之前

蘭郭狼

地理志西河郡有蘭皋狼二縣戰國策知伯之趙請蔡皋狼

之地襄子弗與

鮑氏云蔡當作蘭世家成侯三年魏敗代蘭肅侯二十二年秦取我蘭離石為石屬西河今石州魏世家武侯敗趙北蘭正義

云在石州趙之西北

郭狼疑是皋狼

孟增幸於周成王是為宅皋狼蓋成王居之於皋狼

林人 林胡 樓煩

正義林人即林胡也匈奴傳晉北有林胡樓煩之戎如淳曰

林胡即澹林為李牧所滅

括地志朔州地馮唐曰李牧破東胡滅澹林李牧傳云滅澹禮破東胡降林胡則澹禮非林胡

也地理志樓煩縣屬雁門應劭曰故樓煩胡也

故城在代州寧音郭縣東北

趙世家主父行新地出代西遇樓煩王於西河而致其兵

東胡

正義趙東有瀛州之東北營州之境即東胡烏丸之地

服虔云後為鮮

卑在匈奴東故曰東胡

匈奴傳燕北有東胡

周書已

其後燕將秦開襲破之

括地志云漢初冒頓滅其國餘保烏丸山因以為号

山海經東胡在大澤東

西邊

正義林胡樓煩即嵐勝之北也嵐勝以南石州離石蘭等七國時趙邑邊也秦隔河也晉洛洛澤等州皆七國時韓地為並趙西境也

河薄洛之水

徐廣云安平徑縣西有漳水津名薄洛津水徑注漳水又歷徑縣故津按漢信都因安帝更名安平通典貝州城西水有故津謂之薄洛

徑城縣漢徑縣也本朝省入大名府景城縣表銘在薄洛津

上黨

地理志本韓之別郡也遠韓近趙

代四十六縣上黨十七縣廣記云秦上黨郡今澤潞遼州平定威勝軍之地

後卒降趙韓非初見秦曰

三胡

索隱曰林胡樓煩東胡

晉陽

漢太原郡所治龍山在西北晉水所出北齊分晉陽置龍山

縣隋開皇十年改龍山曰晉陽而以古晉陽縣為太原縣唐

地里志所謂晉陽縣乃古龍山自北漢劉氏以前郡治太原晉陽二

縣所謂太原縣乃古晉陽縣縣太平興國四年王師下北漢徙州治陽曲縣本漢狼孟縣地而空其故城即縣志

太原府城中又有三城其一曰大明城即古晉陽城也左傳言董安于所築晉陽故

鄆

宮一名大明宮在州城內

郡縣志漢以為縣屬常山武靈王三年城郡光武即位于鄆南千秋亭

五成陌因改曰高邑高齊移高邑於漢房子縣東北今高邑縣是也隋於漢鄆城南十八里改置柏鄉縣屬趙州故城柏鄉縣北二十里

輿地廣記趙州高邑縣左傳哀四年齊國夏伐晉取鄆即

此鄆音呼各反趙世家武靈王二十一年攻中山王軍取鄆石邑封龍東垣中山敵四邑和孫氏曰騎兵始于戰國之初武靈王胡服騎射全用匈奴之俗而古法于是大變春秋正義曰古者馬以馮車大國之時始有單騎曲礼云前有車騎者漢世書耳左傳左師展將以公乘馬而歸此騎馬之漸戰國策王破原陽以為騎邑呂氏曰胡服騎射蓋始教一邑然後徧行之于境內漢地理志雲中郡原陽縣

東陽

左傳趙勝帥東陽之師以追齊杜氏注東陽晉之山東魏郡廣平以北戰國榮子曰善魏之河南絕趙之東陽則趙魏

亦危矣地理志清河郡有東陽縣輿地廣記恩州歷亭縣漳南鎮本漢東陽縣隋故漳南唐屬

沙丘 鉅鹿

殷紀紂蓋廣沙丘苑臺括地志沙丘臺在邢州平鄉東北二

十里地理志趙中山地薄人衆猶有沙丘紂淫亂餘民正義

沙丘邢州也鉅鹿冀州也括地志鉅鹿邢州平鄉縣城齊北界貝州也言破齊

滅韓之後燕之南界秦之北界相去滅三百里趙在中間也

呂氏春秋九藪趙之鉅鹿注今鉅鹿廣河澤廣記邢州鉅鹿縣有禹貢大陸澤地理志鉅鹿縣大陸澤在北紂所作沙丘

臺在東北七十里應劭曰鹿林之大十三州志唐虞時大麓之地

上郡

正義廊延等州

通典今綏廊銀麟夏坊延丹等州地

括地志故城在綏州上縣

通典龍泉縣

東南五十里

秦惠文十年魏納上郡十五縣廣記云上郡今麟延安丹坊廊銀夏綏德保安之地

扞關

呂氏云扞者扞敵之扞非關名也趙之扞關陸道之關也楚之扞關水道之關也楚肅王四年為扞關以拒蜀

榆中

武靈王二十二年西略胡地至榆中戰國策王胡服率騎入胡出於遺之門踰九限之固絕五徑之險至榆中辟地千里

括地志榆中勝州所治榆林縣正義勝州北河北岸地理志金城郡有榆中縣通典縣故城在蘭州五泉縣東伍被傳廣長榆門朔方注長榆在朔方即衛青傳所云榆谿日塞或在蘭州五泉縣東伍被傳廣長榆門朔方注長榆在朔方即衛青傳所云榆谿日塞或

謂之榆中秦始皇紀西北斥逐匈奴自榆中並河以東屬之陰山以為三十四縣項羽傳云蒙恬為秦將北逐戎人開榆中地數千里注在上郡即今之榆林廣記榆林縣南有榆溪塞即蒙恬侵胡植榆為塞是也東有榆林關隋開皇三年置衛青傳榆谿日塞索隱水經云上郡北有諸次山諸次水出焉東經榆林塞為榆谷正義今榆林縣東一十里東北臨河故乘曰秦北循榆中之關

邯鄲

趙世家敬侯元年始都邯鄲地理志自中年徙此邯鄲北通

燕涿南有鄭衛漳河之間一都會也

張宴曰邯鄲山在東城下縣屬趙國今屬磁州有叢臺趙王故臺也戰

國策為忌曰武安君乘七勝之威與馬服之子戰於長平之下因以餘兵圍邯鄲趙以已敗之餘眾而秦罷于邯鄲之下趙守而不可拔攻難而守者易也

羊腸

魏世家如耳曰昔者魏伐趙斷羊腸拔開與約斬趙之分而為二所以不亡者魏為從主也蔡澤謂應侯曰君相秦坐制諸侯決羊腸之險塞太行之道正義云太行山阪道名南屬

懷州北屬澤州呂氏春秋九山之一也盤紆如羊腸秦上黨郡今澤路儀

沁四州之地兼相州之半韓摠有之至七國時趙得儀沁二州之地韓猶有潞州及澤州之半屬趙魏沁州在羊腸坂之西儀并代三州在句注山之南秦以三郡攻趙之澤路則句注之南趙無地淮南子注云說苑桀之居伊閩在其南羊腸在其北今大原晉陽西北九十里通河西上郡閩曰羊腸坂是通典太原府陽曲縣有乾熄谷即羊腸坂後漢鄧初傳注石磴紫委若羊腸焉今嵐州界羊腸坂是也隋煬帝登太行山問崔嵬曰何處有羊腸坂對曰案漢地理志上黨潞州壺關縣有羊腸坂帝曰不是又答曰案皇甫士安撰地書云太原北九十里羊腸坂帝曰是也戰國策說秦王曰西攻脩武踰羊腸降代上黨郡縣志羊腸山在太原府文城縣東南五十三里

句注

正義句注山音章句之句一音鈞在代州雁門縣西北四十里郡縣志在朔州鄆陽縣東八十里

里代州雁門縣西北三十里一名西陞山呂氏春秋九塞之一也地理志在雁門陰館縣

劉劭趙都賦其近則有天井句注飛狐太行璀璨礪磔屬阜連岡劉劭傳漢兵已踰句注蘇屬曰瘳反空分先俞於趙正義空音邢分當作山括地志句注山一名西陞山俞音戊尔雅云西踰雁門是也郭氏注云西踰即雁門山按西先聲相近蓋陞山西踰二山並在代州雁門縣皆趙地趙世家襄子北登夏屋括地志夏屋山一名賈屋山在代州雁門縣東北三十五里与句注山相接蓋北方之險亦天下之阻雁門縣本漢廣武地理志賈屋山在太原廣武縣北匈奴傳趙襄子踰句注而破并代漢文紀蘇意為將軍屯句注郡國志注尔雅以陵西踰雁門是也張儀說燕曰昔趙襄子欲并代与代王遇于句注之塞郡縣志晋咸寧元年句注碑曰蓋北方之險有盧龍飛狐句注為之首天下之阻所以分別内外也

河間

瀛州地理志注在兩河之間戰國策趙王曰秦下甲攻趙之略之以河間十二縣

七國形勢攷中

魏

蘇秦說魏襄王曰大王之地南有鴻溝陳汝南許鄆昆陽召陵
 舞陽新都新鄆東有淮潁蕢棗無胥西有長城之界北有河外
 卷衍酸棗地方千里地名雖小然而田舍廬廡之數曾無所
 畷牧人民之衆車馬之多日夜行不絕輪、殷、若有三軍之衆
 臣竊量大王之國不下楚 說趙曰秦之攻韓魏也無有名山
 大川之限稍蠶食之傳國都而止 衛鞅曰魏居嶺阨之西都
 安邑與秦界 而獨擅山東之利 張儀說魏王曰魏地四平

諸侯四通輻湊無名山大川之限惟鄭至梁二百餘里車馳人
走不待力而至梁南與楚境西與韓境北與趙境東與齊境卒
成四方守亭郵者不下十萬梁之地勢固戰場也梁與楚而不
與齊則齊攻其東、與齊而不與趙則趙攻其北不令於韓則
韓攻其西不親於楚則楚攻其南此所謂四分五裂之道也
蘇代約燕王曰秦正告魏曰我舉安邑塞女戟韓氏太原卷我
下軹道南陽封箕包两周乘夏水浮輕舟彊弩在前 戈在後
決滎口魏無大梁決白馬之口魏無外黃濟決宿胥之口魏無
虛頓丘陸攻則擊河內水攻則滅大梁魏氏以為然故事秦

魏安釐王以秦救之故欲親秦而伐韓以求故地無忌謂魏王曰
秦與我翟同俗有席狼之心貪戾好利無信不識禮義德行苟
有利焉不顧親戚兄弟若禽獸耳此天下之所識也今韓氏以
一女子奉一弱主內有大亂外交彊秦魏之兵王以為不亡乎
韓亡秦有鄭地與大梁鄰王以為安乎王欲得故地今負彊秦
之親王以為利乎秦非無事之國也韓亡之後必將更事更事
必就易與利就易與利必不伐楚與趙矣是何也夫越山踰河
絕韓上黨而攻彊趙是復關與之事秦必不為也若道河內倍
鄴朝歌絕漳滏水與趙兵決於邯鄲之郊是知伯之禍也秦又

不敢伐楚道涉谷行三千里而攻冥阮之塞所行甚遠所攻甚難秦又不為也若道河外倍大梁右蔡左呂陵与楚兵決於陳郊秦又不敢故曰秦必不伐楚與趙矣又不攻衛與齊矣夫韓亡之後兵出之日非魏無攻已秦固有懷茅邢丘安城堤津以臨河内河内共汲必危有鄭地得垣雍決滎澤水灌大梁大梁必亡王之使者出過而惡安陵氏於秦之欲誅之久矣秦葉陽昆陽與舞陽高陵鄰聽使者之惡之隨安陵氏而亡之繞舞陽之北以東臨許南國必危國無害已夫憎韓不愛安陵氏可也夫不患秦之不受南國非也異日者秦在河西晉國去梁

千里有河山以闌之有周韓以間之從林鄉軍以至於今秦七攻魏五入圃中邊城盡拔文臺墮垂都焚林木伐麋鹿盡而國繼以圍又長驅梁北東至陶衛之郊北至平監所亡於秦者山南山北河外河内大縣數十名都數百秦乃在河西晉去梁千里而禍若是矣又况於使秦無韓有鄭地無河山而闌之無周韓而間之去大梁百里禍必百此矣

呂氏曰信陵君之言深切縹緲識天下之大勢使魏王能用其計斜率楚趙竭力助韓則韓不至於失上黨趙不至於敗長平六國不至為秦所吞矣

鴻溝

河渠書滎陽下引河東南為鴻溝以通宋鄭陳蔡曹衛與濟

汝淮泗會於楚索隱云楚漢中分之界文穎云即今官渡水也蓋為二流一南經陽武縣今屬東京為官渡水一東經大梁城即河溝今之汴河是也正義應劭云在滎陽東南二十里張華云大梁城在後儀縣此縣西北渠水東經此城南又北屈分為二渠其一渠東南流始皇鑿引河水以灌大梁謂之鴻溝楚漢會此處也程氏曰鴻溝之名蘇秦固嘗言之不待始皇乃有也其一渠東經陽武縣南為官渡水張泊曰大禹於滎澤下分大河為陰溝引注東南以通淮泗至大梁後儀縣西北復分二渠一渠東經陽武縣中牟城下為官渡水一渠始皇既鑿以灌魏都謂之鴻溝首若渠自滎陽五池口東注之其鴻溝即出河陰溝而曰首若渠地理志滎陽縣于水在西南有狼湯渠首受汴東南至陳入潁陳留縣魯渠水受狼湯渠東至陽夏入渦渠後儀縣睢水首受狼湯水東至取慮入泗郡國志滎陽有鴻溝水正義云歷後儀南者志後儀有鴻溝于地廣記鄭州

滎陽縣有鴻溝在西楚漢中分天下處東京開封縣有汴河蓋古首若渠也祥符縣本大梁竹書記年云梁惠王三十一年為大溝於此郭以行圃田之水縣北有後水像而儀之故謂之後儀中牟縣北十二里有中牟臺是為宮渡城水經注禹塞滎澤開渠以通淮泗胡氏曰據後漢書則平帝時已有汴渠史曰渠隈自滎陽而東則上疑其為鴻溝下疑其為官渡者恐未得其要官渡直黃河也故表曹相距沮授曰悠黃河吾其濟乎汴渠自西而東鴻溝乃橫亘南北史孔將相表高帝四年與楚界洪渠即鴻溝也水經注尉氏縣有鴻溝鄉鴻溝亭

陳 汝南

陳國楚滅為縣頃襄王自郢徙都無為魏境今陳州汝南春秋時屬沈蔡戰國屬楚魏漢置汝南郡今蔡州地理志魏南有汝南之召陵隱疆新汲西華長平

許 鄆

許本許國漢為潁川許縣魏改曰許昌今省入潁昌府長杜縣許田鎮鄆戰國策

作鄆楚昭陽伐魏取鄆漢屬潁川唐鄆城縣屬蔡州今屬潁昌府鄆春秋鄭伯克

段於鄆鄭語八邑有鄆周語注妘姓之國為鄭武公所滅漢陳留有偽

縣應劭曰鄭伯克段于偽是也後漢馮屬梁國又晉敗楚鄆陵漢潁川有偽陵縣注

云六國曰安陵今東京鄆陵縣也二縣當有別而傳注雜而言之括地志鄆陵故城在許州鄆陵縣西北十五里張儀謂魏王曰楚破南陽九夷內沛許鄆陵危韓世家秦伐敗我鄆即縣志故鄆城在宋州寧陵縣南五十三里漢之鄆縣鄭伯克段於此寧陵本朝屬

昆陽

漢屬潁川應劭曰昆水出南陽南陽魯陽有昆水東南至定陵入汝州葉縣北二

十五里有昆陽城光武破尋邑之所

無胥

地關戰國策東有淮潁沂黃煮麥海鹽無疎鮑氏云沂水出

泰山蓋縣沂州新秦縣艾山黃即陳留外黃在東京雍立縣戰國策韓氏圍黃海鹽未詳

解州解安邑有鹽池地理志河東安邑有鹽池在西南左傳鄭駁氏之地近鹽注云得氏縣鹽池是山海經景山南望鹽販之澤即解縣鹽

池也水經注周穆王漢章帝並幸安邑觀鹽池

長城

徐廣曰滎陽卷縣有長城經陽武縣屬東京到密秦紀魏築長城

自鄭濱洛以北有上郡正義鄭華州縣洛涿沮也魏世家惠

王十九年築長城塞固陽以備秦及西戎相陽漢屬五原郡括地志漢置縣在銀州銀城縣界正義按魏築長城自鄭濱洛北

庭銀州至勝州固陽縣為塞也固陽有連山東至黃河西南至夏會寺州水徑注濟瀆又東逕陽武縣故城北又東絕長城竹書紀年梁惠成王十二年龍賈帥師築長城於西邊

河外

正義謂河南地按晉語入河外列城五注云向東也晉以河東為河外魏以河南為河外張儀說魏王曰秦下兵攻河外據卷衍酸枣說齊曰梁效河外索隱謂河外河之南邑若曲沃平周昔魏世家秦復予我河外無忌率五國兵攻秦敗之河外蘇秦說趙曰魏弱則割河外

卷衍

正義卷城在鄭州原武縣西北七里漢河南有卷縣輿地廣記故城在原

召陵

漢屬汝南即齊桓公伐楚次于召陵括地志故城在豫州即蔡州鄆城縣東四十五里今屬潁昌府秦紀惠王十四年代楚取召陵

舞陽

漢屬潁川應劭曰舞水出南樊噲所封唐屬許州括地志故城在許州葉縣東十里今縣屬潁昌府

新都

漢屬南陽郡國志新野縣有東鄉故新都王莽封今新野省入鄧州穰縣

新鄴

漢屬汝南索隱即鄭立故城在潁州汝陰縣西北見上

淮潁

二水名地理志淮水出南陽平氏縣今唐州桐柏縣桐柏大澗山潁水

出潁川陽城縣今河南府登封縣陽乾山正義云淮陽潁川二郡

煮棗

徐廣曰在宛輿地廣記吳仁府曹州宛亭縣有故煮棗城樊陰攻項籍屠煮

古曰既云攻項籍則其地當在大河之南非清河之城田齊世家蘇代謂田軫曰客有言曰魏王謂韓馮張儀曰煮棗將枝齊兵又進子求救寡人則可矣正義煮棗故城在冀州信都縣東北五十里漢華朱國故老傳云六國時於此煮棗油今按蘇秦謂東有煮棗當從徐廣之說宛句縣漢屬濟陰一作宛胸大觀二年改宛亭郡國志宛句有煮棗城水經注北濟自濟陽縣北東北逕煮棗城南

武縣東衍在鄭州亦曰衍氏後漢注卷故城在原武縣西北蘇秦說趙曰據衛取淇卷則齊必入朝

酸棗

漢屬陳留以棘名魏世家文侯三十二年伐鄭城酸棗取鄭地

而城之也唐屬滑州今屬東京漢文帝時何決金隄即此有酸棗臺括地志故城在縣北十五里古酸棗縣南水經注竹書紀年曰魏襄王十年大霖雨疾風向

水酸棗郭漢世塞之說苑程黃曰酸棗無令臣進北門可而魏無齊憂郡縣志故城在縣西南五十里

梁 大梁

地理志陳留郡浚儀故大梁魏惠王自安邑徙此號曰梁今東京祥符縣魏世家惠王三

十一年秦用商君東地至河而齊趙數破我安邑近秦於是

徙治大梁水經注大梁城本春秋之陽武高陽鄉於戰國為大梁周梁伯之居竹書紀年梁惠成王九年四月甲寅徙邦於大梁酈

食其曰陳留天下之衝四通五達之郊也太史公曰吾適故大梁之墟，中人曰秦之破梁引河溝而灌大梁三月城壞王請降遂滅魏。王假元年又曰吾過大梁之墟求問其所謂夷

門夷門者城之東門也張儀說魏史記曰從鄭至梁二百餘里戰國策云從鄭至梁不過百里從陳至梁二百餘里按九域志鄭州至東京一百四十里陳州至東京二百四十五里當以國策為上又曰卒戍四方守亭障者參列糧粟漕庾不下十萬鮑氏謂他國或有山川關塞唯梁無之皆以卒戍守本朝都此太祖欲西遷洛陽據山河之固曰不出百年民力

殫矣後山陳氏謂開封無山川之阻為四戰之地故太祖以兵為衛畿內常用十四萬人

安邑

郡縣志故城在陝州夏縣東北十五里禹所都地理志河東安邑魏絳自魏從此至惠王徙大梁。唐屬河中府今屬解州魏世家武侯二

年城安邑秦紀昭王二十一年魏獻安邑。以為河東郡汾水可以灌安

邑。正義云安邑在絳州夏縣本魏州夏縣東北歷安邑西南入河戰國策城渾曰蒲坂平陽相去百

里秦人一夜而罷之安邑不知國子曰安邑者魏之柱國也晉陽者趙之柱國也鄆郢者楚之柱國也。柱國都也

女戟

劉伯莊曰蓋在大行山之西戰國策蘇代謂齊王曰秦舉安邑而塞女戟韓之大原絕韓氏索隱云韓國宜陽也大原劉伯莊云當為大行索隱云太行字原當為京屬滎陽

軹

索隱云河內軹縣水經注竹書紀年梁惠成王十三年鄭釐侯使許息來致地平丘石脯首垣諸邑及鄭馳地我取枳道與鄭庶戰國策蘇代曰秦下軹道南陽而伐魏絕韓包二周蘇厲曰齊反温軹高平於魏輿地廣記漢軹縣屬河內唐貞

觀元年省入孟州濟源縣

故城在縣東南正義軹在懷州濟源縣南三十里後屬孟州聶政軹深井里入秦紀昭王十六年左

更錯取軹唐地理志濟源縣西有故軹閼蘇秦說趙曰秦下軹道則南陽危

南陽

地理志河內郡脩武應劭云晉始啓南陽今南陽城是也秦

改曰脩武

水經注脩武故縣曰南陽馬季長曰晉地自朝歌以北至中山為東陽朝歌以南至軹為南陽應欽地理風俗記曰河內殷國也周名為南陽

臣瓚曰韓非書秦昭王越趙長平西伐脩武時秦未無天下脩武之名久矣劉氏云脩武即審武王伐紂名之秦紀昭王三十三年魏入南陽以和張儀傳魏絕南陽白起傳攻南陽太行道絕之輿地廣記懷州脩武縣本商之審邑武王伐紂

勒兵於審更名脩武韓詩外傳唐武德四年改為武陟而別置脩

武縣於隋脩武縣故城即國志脩武故為陽南陽有二脩武即晉魏之南陽也南陽郡今鄧

也州魏世家段干子請予秦南陽以和

封冀

索隱封陵冀邑皆在魏境魏世家哀王十六年秦拔我蒲坂

陽晉封陵紀年作晉陽封登正義徐廣云河東皮氏縣東北有冀亭

晉荀息曰冀為不道皮氏今河中府龍門縣秦紀惠王九年渡河取皮氏正義封陵在古蒲坂縣西南河曲之中

西周

正義王城及鞏世本西周桓公居河南東周惠公居洛陽呂

氏曰平王東遷之後所謂西周者豐鎬也東周者東都也威

烈王之後所謂西周者河南也東周者洛陽也考王封其弟

揭於河南以瀆周公之職是為河南桓公王城故地威烈王嗣位

西周桓公封其少子班於鞏以奉王實東周惠公此東西周

分之始也東周王所居之洛陽也鞏班之采邑也顓王二年趙與韓分周為二東西

周各為列國顓王雖在東周後建室名於其上耳自是而後

凡征伐謀策稱東西周君者皆謂二周君也周本紀云赧王

時東西周分治非也赧王特徙都西周耳

滎口 滎澤

索隱滎澤之口與今汴河口通其水深可以灌大梁明言不

為水經濟水又東合滎瀆注云瀆水受河水有石門謂之滎

口石門蓋故滎播所道自此始渠出滎陽北向東南過中牟

之北又東至浚儀注云秦始皇二十二年王賁斷故渠引水

東南出以灌大梁溝洫志王橫言秦攻魏決河謂之梁溝濟水又東

逕滎澤北京相璠曰滎澤在滎陽縣東南與濟遂合穆天子傳曰甲寅天子浮于滎

水乃秦廣樂晉地道志濟自大徑入河與河水關南決為滎滯通典鄭

州滎澤縣禹貢濟水決為滎即此今濟水不復入滎消水東流經溫縣入河郡國志

曰曰王莽末旱此渠始涸消水但入河而已不復截流而南水徑乃禹貢旧道斯

不詳之甚左傳注滎陽釋文云本或作滎史記正義云滎瀆渠首起滎澤縣西北二

十里郡國志河南滎陽有滎澤注云左傳宣十二年及滎澤杜預曰縣東滎澤也郡

白馬之口

索隱白馬津在東郡決其流以灌外黃濟陽水經注竹書記

年梁惠成王十二年楚師出河水以水長垣之外金堤既建

在白故渠水新尚謂之白馬瀆韓非初見秦曰決白馬之口

以沃魏正義云在滑州白馬縣北三十里張儀說趙曰守白馬之津

水徑注白馬縣神馬亭關山園所謂白馬山也山上常有白馬群行悲鳴則河決

外黃濟陽

外黃漢屬陳留張晏曰魏郡有內黃故加外地理志左氏傳曰惠

公敗宋師於黃杜預以為外黃縣東有黃城故城在開封府雍立縣東六十里唐貞觀元年省後梁太祖幸河北

至內黃顧李琰曰何謂內黃琰曰河南有外黃下黃故此內黃又問曰外黃下黃何在琰

曰秦省外黃都尉今在雍丘下黃為北首所廢今在陳留一代通錄河南有外黃小黃故河
北有內黃小黃為有馬所廢其故城人在陳留小黃故城在陳留縣東北

濟陽水經注云陳留風俗傳曰縣故宋地竹書記年梁惠成

王三十年城濟陽漢陳留即濟陽縣唐省入宛白建隆四年為濟陽鎮屬開封府東明縣

宿胥之口

正義淇水出衛州清淇縣清淇省入衛縣水經注淇水分為二水一水南注清水東至黎陽入

河魏志云武帝於清淇口東因宿胥故瀆開白溝道清淇二

水入焉徐廣云紀年曰魏救山寨集胥口索隱曰蓋以律名水經注宛

水東南入淇水淇水右合宿胥故瀆受河於頓丘縣遮害

亭東黎山西北會淇水處立石堰遏水今更東北注魏武開

白溝因宿胥故瀆而加其功宿胥口曰河水北入故蘇代曰決宿胥之口

即指是瀆也通典淇水出其山東至衛縣界入河謂之淇水口曹公於水口下大枋木成堰遏淇水入白溝時人斫枋頭溝洫志黎陽遮害亭西十

里至淇水口

虛頓丘

索隱虛邑名地與酸棗相近春秋桓十二年公會宋公于虛

注云宋地正義虛謂殷墟今相州所治是水經洹水出山連

延殷墟竹書記年曰盤庚即位自奄遷於此遂曰殷史記項羽與章邯盟

洹水南殷墟上正義云括地志相州安陽縣盤庚所都即此北冢殷墟南去朝歌縣城百四十里國都城記云鄴縣城西四十里有洹水南岸三里有安陽城名殷中即殷都謂北冢者索隱汲冢古文云盤庚日奄遷于此遂曰殷虛南去鄴三十里太平御覽相州圖經曰安陽紂都也在淇洹二水之間本殷虛所理北冢是也戰國不曰紂昔聚兵百方左飲淇水使

竭右飲洹水不流今按地理志河內殷虛更屬於晉注
云殷虛汲郡朝歌縣魏世家秦拔我朝歌以魏地也
栢丘正義云故城在魏

州栢丘縣東北二十里水經注關駟云栢丘在淇水南又屈

逕栢丘西爾雅曰山一成謂之栢丘釋名謂一栢而成立無

高下小大之殺詩所謂送子涉淇至於栢丘竹書記年晉定

公三十一年城栢丘輿地廣記云本衛邑漢屬東郡唐屬魏州復置澶州晉天
福四年以栢丘為德清軍熙寧四年省入開德府清豐縣戰

國策張儀謂魏王曰齊伐趙取乘丘收侵地虛栢危立

河內

地理志魏地其界自高陵以東盡河東河內河內本殷之國都朝歌
周襄王以河內賜晉文

公修武

孟子梁惠王曰河內凶則移其民於河東魏世家文侯

任西門豹守鄴而河內稱治索隱曰大河在鄴東故名鄴為

河內潁水志史起別漳水溉鄴以留魏之河內無忌曰河內共汲必危

關與

正義秦韓相攻於關與而趙奢破秦軍郡縣志關與山在磁

州武安縣西南五十里趙奢傳秦軍武安西徐廣曰武安在邯鄲西唐初屬
洛州正義云按括地志言拒秦軍在此山疑其太近既

去邯鄲三十里而軍又云趙之二日一夜至關與五十里而軍壘
成今洛州去潞州三百里間而隔相州恐洛州關與聚城是所拒據處郡國志上黨

涅縣有關與聚括地志關與聚城今名烏蘇城在潞州銅鞮

縣西北二十里銅鞮今屬
威勝軍又儀州今遼和順縣城亦云韓關與邑

未詳王翦攻關與韓信破代禽夏說關與益康曰在上黨陘
縣

鄴

輿地廣記相州臨漳縣本漢鄴縣東魏析置漢表詔為冀州牧鎮

鄴曹公以為鄴都作三臺石虎慕容儁東魏北齊都焉後周尉遲迥奉兵韋孝寬討平之乃焚鄴縣徙其民以安陽

城置鄴縣熙寧六年省入臨漳水經注鄴本齊桓公所置管子曰築五鹿中牟鄴以衛諸夏後屬晉魏文侯六年始封以故四魏漢高帝十二年置魏郡治鄴縣即縣志故鄴城縣東五十步本齊桓公所築

朝歌

漢屬河內紂所都隋改為衛縣通典古城在衛州衛縣西二

十二里紂都有鹿臺謂之殷墟水經注本沫邑紂有新聲靡樂号邑朝歌

衛州東北七十里帝王世紀帝乙徙朝歌衛縣省為鎮入滑州黎陽地理志衛為狄所滅更封於河南曹

楚丘而河內殷虛更屬於晉左傳齊伐晉取朝歌

冥阮之塞 鄆阮

括地志石城山在中州今信陽軍鍾山縣東南二十里魏攻冥阮

即此山呂氏春秋淮南子九塞以其一也左傳定四年楚左

司馬戌曰還塞大隧直轄冥阮春申君傳秦踰鼂隘之塞而

攻楚，世家楚人對頃襄王曰涉鄆塞而待秦之倦也戰國

策蒞辛曰穰侯受命乎秦王填鼂塞之內而投已乎鼂塞之

外蘇代曰秦欲攻魏重楚則以南陽委于楚殘均陵州今均塞

鄆阮徐廣注曰或為冥今江夏鄆縣正義申州羅山縣本漢鄆

縣有平靖關蓋古鄆縣之阨塞劉伯莊云命兵向楚有兩道涉谷西道
州石城山險阨之塞也通與申州春秋時申國之魏置義陽即有三關之隘北
陳汝控帶許洛鍾山縣開皇九年者入信陽縣其阨塞在信陽軍東南五十五里
冥鄆躡並音萌戰國策云危隘之塞涉谷索隱云涉之險路

蔡

戰國策云右上蔡召陵無左字正義上蔡縣在豫州北七十
里今蔡州從汴州南行向陳州之西郊則上蔡召陵在南面向
東皆身之右

懷茅

周桓王與鄭蘇忿生之田有擯茅墮懷襄王與晉擯茅之田

括地志故懷城在懷州武陟縣西十一里漢河內懷縣本禹貢單懷

徐廣云脩武古軹縣有茅亭括地志在懷州獲加縣東北二十五里獲

邢丘 安城 埭津

括地志平臯故城在懷州武德縣今河東南二十里本邢丘

邑韓詩外傳武王伐紂至邢丘更名曰懷左傳宣六年未狄伐晉圍懷及邢丘則為

觀邢安城在鄭州原武縣東南二十里無忌曰使索隱埭津在

河北九戰及正義云埭當作延括地志延津故城在衛州清淇縣西南二十六里杜預

共汲 共審

無忌又曰通韓上黨於共審地理志共汲二縣屬河內正義

共衛州共城縣

水經注共縣共城故國共伯歸政迎遷於共山之上山在國北所謂共北山也通典共城古共伯國故城在縣東

汲在

衛州所治汲縣西南二十五里通典汲縣牧野之地

魏世家秦拔我汲索隱曰汲一作

波縣屬河內孟康曰今絳城括地志故絳城在懷州河內縣西三十二里蘇志生邑

懷州脩武縣本殷寧邑

韓詩外傳武王

勒兵於寧改曰脩武

鄭地

徐廣云成臯滎陽屬鄭

韓都鄭故稱韓為鄭

垣雍

括地志故城在鄭州原武縣西北七里

徐廣曰在卷縣戰國策長平之役平都君說魏王曰王胡不

為汲魏王曰秦許我以垣雍

郡國志河南卷縣有垣雍城或曰古衛雍白起傳應侯言于秦王割韓垣雍以和秦紀昭王四十八年韓獻垣雍

安陵

括地志陽陵縣西北十五里李奇曰六國時為安陵

戰國策安陵君曰吾

先君成侯受詔襄王以守此地也手受大府之憲秦王謂安陵君曰欲以五百里之地易安陵鄆陵今東六縣輿地廣記水鄭地戰國謂之安陵漢屬潁川唐屬許州梁屬開封府

葉陽 高陵

括地志葉陽今許州葉縣

今屬汝州

高陵今京兆府縣漢屬左馮

翊地理志魏地其界自高陵以東謂京兆之高陵

南國

周紀注江漢之間又曰南陽也此時屬韓

正義云在魏之南

西河 河西

無忌曰異日秦在河西正義云同州按秦紀繆公送夷吾夷
吾謂曰誠得立請割晉之河西八城與秦背約不與戰于韓
虜晉君以歸夷吾獻河西地是時秦地東至河秦數易君晉
復強奪秦河西地獻公欲東伐復穆公之故地於是出兵東圍陝
城十二年東地渡洛
賈生過秦曰商君從之
拱手而取西河之外 惠王六年魏納陰晉正義華
陰縣 八年魏納河西地
正義同
丹二州 十年魏納上郡十五縣正義今廊縣等州
盡河西濱洛之地矣 魏世家襄王五年
予秦河西地正義自華州
北至同州 戰國策摎留謂韓王曰魏兩用犀首
張儀而西河之外已呂氏曰孝公取河西地蓋商鞅之力至
是盡得河西地則犀首張儀之力也 吳起守西河

而秦兵不敢東鄉

正義云西
河今汾州

武侯浮西河而下

正義即龍
門西河

呂氏春

秋吳起去西河而泣曰君誠知我而使我不畢能秦必可已而

西河可以王今君聽讒人之議而不知我西河之為秦也不

久矣吳起果去魏入荆而西河畢入秦魏日以削秦日益大

韓信傳涉西河正義云即同州龍門河注夏陽渡者 記檀弓子夏老於西河之上
注西河龍門至華陰之地 齊語西征攘白狄之地至于西河注白翟之西

林鄉

正義徐廣云在宛陵

戰國策芒卯曰秦之所欲於
魏者長年王屋洛林之地也

劉伯庄云春秋時

鄭地之棊林在大梁之西北

左傳注宛陵縣東南有林鄉括地志宛陵故
城在鄭州新鄭縣東北二十里本鄭目縣

蘇代曰兵困於林中

林鄉

園中

索隱園即圃田鄭藪屬魏輿地廣記開封府中牟縣有圃田

澤為豫州之藪中牟唐屬鄭州正義云圃劉伯庄音圃括地志圃田澤在鄭州管城縣東三里按戰國

策魏有梁園温園

文臺

括地志在曹州冤句縣今與仁府冤句縣西北六十五里索隱云烈士傳隱陵君施酒文臺

垂都

郡國志濟陰郡句陽有垂亭左傳隱八年遇于垂亭相璠曰句陽縣小成陽東五里有垂亭句陽故城在今與仁府乘氏縣西

陶衛

正義陶定陶今廣濟軍定陶縣田齊世家蘇代曰有陶平陸梁門不開即讓侯所封衛楚之立今開德府衛南縣秦紀始皇六年拔

衛迫東郡其君角徙居野王阻其山以保魏之河內呂氏春秋云舉陶削衛地方六百韓非子曰魏救燕取地河東攻畫陶魏之地加兵於齊私平陸之都攻韓拔管勝於淇下睢陽之事荆軍老而走於呂陵之事荆軍破兵四布於天下滅行於冠帶之國管故管井所封

平監

徐廣曰平縣屬河南括地志故平縣城在洛州偃師縣西北二十五里今河南正義兗州平陸縣今鄆州中都縣東平府史記

齊闞止作監字闞在東平府須昌縣今鄆州須城正義故闞城在平

平陸縣有闞亭左傳合於闞杜氏曰頃昌縣東南有闞城封禪書蚩尤在東平陸監鄉齊之西境也索隱監音闞皇覽云蚩尤冢在東平郡壽張縣闞鄉城下

山南山北河外河內

正義山華山也華山之東南七國時鄧州屬韓汝州屬魏華山之北同華銀綏並魏地河外謂華州以東至虢陝河內謂蒲州以東至懷衛

呂氏曰山南山北指太行

嶺阨

索隱云蓋安邑之東山領險阨之地即今蒲州之中條已東連汾晉之嶮嶠是也通典汾州靈石縣東南有高屏嶺雀鼠谷汾水關皆險固之處郡縣志河中府元載上建中都議曰有羊腸應柱之險濁河孟門之限以輾轅為襟帶與關中為表裏

武云江融設險圖之首篇也羊腸在洛州壺關縣東南一百六里孟門在慈州文城縣西南三十六里即龍門上口

雷首山一名

中條在河東縣南十五里

漢蒲坂縣

左傳晉表裏山河外河內山林氏

曰國險而多馬三家之所以分晉也曲沃之民知有曲沃不知有宗國欒氏之民知有欒氏不知有其君三家又可知矣故河北之地善用之則為伯王之資不善用而失之則為寇叛之資唐之中世三鎮以河北叛二百餘年不能取

韓

蘇秦說韓宣惠王曰韓北有鞏洛成臯之固西有宜陽商坂之

塞東有宛穰洧水南有陸山地方九百餘里

大王事秦必求宜陽成臯

司馬

錯欲伐蜀張儀曰不如伐韓親魏善楚下兵三川塞什谷之口

戰國策云輟
韓緄氏之口

當屯留之道魏絕南陽楚臨南鄭秦攻新城宜陽以

臨二周之郊 張儀說韓王曰秦下甲據宜陽斷韓之上地東

取成臯滎陽則鴻臺之功桑林之苑非王之有也夫塞成臯絕

上地則王之國分矣 蘇代約燕王曰秦正告韓曰我起乎少

曲一日而折太行我起乎宜陽而觸巫陽二日而莫不盡繇我

離两周而觸鄭五日而國舉韓氏以為然故事秦 范雎謂秦

昭王曰韓魏中國之處而天下之樞也秦韓之地形相錯如繡

秦之有韓也譬如木之有蠹也人之有心腹之病也天下無變

則已天下有變其為秦患者孰大於韓乎王不如收韓王下兵

而攻滎陽則鞏成臯之道不通北斷太行之道則上黨之師不

下王一興兵而攻滎陽則其國斷而為三夫韓見必亡又安得

不聽乎 戰國策頓子曰韓天下之咽喉魏天下之胃腹

鞏洛

周地 今河南府鞏
縣洛陽縣 左傳昭二十六年晉師克鞏周紀惠公封其

少子于鞏徐廣曰周比亡之時凡七縣河南洛陽穀城平陰

偃師鞏緄氏秦紀莊襄王元年東周君盡入其國韓獻成臯

鞏秦累至大梁初置三川郡 漢更曰河南 地理志河南有雒陽縣是

成鞏縣東周所居

成臯

通典今汜水唐屬孟州戰國策三晉分智氏地段規謂韓王曰分地必取成臯韓王曰成臯石溜之地也無所用之段規曰不然一里之厚而動千里之權者地利也萬人之衆而破三軍者不意也王用臣言則韓必取鄭矣王曰善取成臯至韓之取鄭果從成臯始韓哀侯二年滅鄭今按晉楚之霸也爭鄭秦之并六國也始於韓以虎牢成臯之險也秦拔榮成臯滎陽十年而韓止李斯曰惠王用張儀之計東據成臯之險今按張儀之脅楚曰秦下甲據宜陽韓之上地不通下河東取成臯韓必入臣是時秦未取成臯也秦紀韓獻成臯在莊襄王元年

宜陽

六國表秦惠文三年拔韓宜陽韓昭侯二十四年秦武王四年拔宜陽

城韓襄王五年漢屬弘農郡正義在洛州河南福昌縣東十四里通

典故韓城在縣東縣城即魏一金塢城東西北三面峭絕天險後周重兵於此以備高者甘

茂傳秦武王謂曰欲容車通三川以窺周室茂曰宜陽大縣

也上黨南陽積之久矣名曰縣其實郡也戰國策周君曰宜陽城方八里村七十万今

王倍數險行千里攻之難王使茂將兵伐宜陽五月而不拔

大起兵拔之地理志西接弘農得新安宜陽皆韓分也蘇秦說趙曰韓弱則效宜陽宜陽效則上郡絕呂氏龜池二穀皆在境內益控扼之地也

商阪戰國策作常阪

正義即商山也在商州商洛縣南一里云曰楚山武關在焉

通典商州上洛縣有商山一名地肺山四皓所隱其地險阻王莽命

王級曰繞雷之固南當荆楚言四面塞阮屈曲水回繞如屋雷即今七槃十二淨郡縣志即晉陰地也史記

六國表秦孝公十一年城商塞韓世家甘茂与昭魚遇于商於商居封于商張儀欺楚以商於之地於林在鄧州

內鄉縣商即商洛地理志弘農商縣衛鞅邑戰國策楚魏戰於陘山魏許秦以上洛以絕

秦於楚地理志上雒縣屬弘農索隱商阪蓋在商洛之間通秦楚之險塞通典宜陽商阪即今福昌山及商山

宛穰

南陽二縣地理志宛故申伯國西通武關東受江淮一都之會也秦昭王十五年攻楚取宛韓釐王五年秦拔我宛

今鄧州穰今鄧州穰縣戰國策謂穰侯曰君攻楚得宛穰以廣陶郡縣本楚別邑取豐南陽縣穰之義後屬韓秦武王攻取之封魏冉為穰侯六國表韓襄王十一年秦取

我穰按穰侯傳取楚之宛葉則宛亦屬楚

洧水

通典河南密縣有洧水鄭州新鄭有溱洧二水，經出密縣

馬領山山在陽城縣東北又東南流溱水注之又東過鄭縣南溱水從

西北來注之郡縣志引蘇秦曰東有穰洧，水東去南陽縣三里地理志弘農盧氏縣有洧水南至順陽入河

陘山

通典今密縣山楚世家齊桓公以兵侵楚至陘山括地志在

鄭州新鄭縣西南三十里在鄭州西南一百一十里魏伐楚敗之陘山徐廣曰

在密縣蘇秦說楚曰北有陘塞戰國策秦攻陘使人馳南陽之地山海經少陘之山器公和之水出焉太平御覽目傳器

雉之水即索水少陞山一曰嵩諸山俗名周山在蒙陽縣三十五里唐志許州長葛縣有小陞山

三川

韋昭曰河洛伊曰三川秦置三川郡周東都也呂氏曰三川郡在今為衛懷孟開封鄭河南汝陝虢拱之地

什谷之口

郡國志河南鞏縣有尋谷水徐廣云什一作尋成臯鞏縣有尋口尋什聲近故其名異水經洛又東北流入于河注云山

海經曰洛水成臯西入河是也謂之洛汭即什谷之口南鄆曰

鄆水出北山鄆溪其水南流世謂之溫水故鄆城在鞏縣西南五十八里京相璠曰今鞏洛渡北有水鄆谷東入洛謂之下鄆六謂北鄆括地志溫泉水即尋源出鞏縣西南四十里郡縣志河南府鞏縣洛水東經洛汭北對琅邪渚入河謂之

洛口亦名什谷塞什谷之口即此也

輟轅緱氏

郡縣志河南緱氏縣今省入偃師縣古滑國緱氏在縣東南二十九里輟轅山在縣東

南四十六里正義輟轅故關在緱氏縣東南十里左傳欒盈過周王使候出諸輟轅

注曰緱氏縣東南有輟轅關道路險隘凡十二曲將去復還故曰輟轅後漢河南尹何進所置八關此其一也陸机洛陽記洛陽四關南有輟轅百起傳昭王四十六年秦攻韓緱氏閔拔之漢高帝從輟轅至陽城范吟攻輟轅正義云在緱氏東南三十里淮南王曰塞輟轅伊關之道

屯留之道

正義屯音純留潞州縣也地理志縣屬上黨道即太行羊腸阪道也潞州壺關縣有

羊腸坂王莽命王嘉括地志屯留故城在潞州長子縣東北三十

里左傳襄十六年晉人執孫蒯於純留三晉從靖公純留

南鄭

戰國策注今河南新鄭今鄭州新鄭縣正義云今楚兵臨鄭南塞
輟輟鄆口斷韓南陽之岳

新城

郡縣志河南府伊闕縣古戎蠻子國漢為新城縣隋改伊闕
山在縣北四十五里兩山相對望之若闕伊水流其間故名

伊闕故闕在縣北四十
五里何進八闕之一秦紀白起攻新城敗韓魏于伊闕

滎陽

鄭地屬韓通典鄭州滎陽縣故虢國所謂秦置教屠楚漢戰

京索間是也

鴻臺宮桑林縣

韓之宮苑

徐廣曰桑一作栗今按湯旱禱于桑林之社莊子栗林盧人其地

少曲

索隱云地近宜陽劉氏以為蓋在太行西南范睢傳秦昭王
四年東伐韓少曲高平拔之正義括地志高平故城在懷州
河陽縣西北四十里俗謂之韓王城非也周桓王以與鄭竹
書紀年云魏襄王四年鄭侯使辰歸晉陽向更名陽為河雍

向為高平則少曲當與高平相近蘇代曰已得宜陽少曲致蘭石水

經注康溝又東進扶溝縣之白亭又東逗少曲亭陳留風俗

傳曰尉氏縣今東京有少曲亭俗謂小城

太行

正義太行山羊腸坂道北過兩上黨韓世家秦擊我于太行

上黨降趙戰國策曰軍臨滎陽一軍臨太行則韓請效上黨之地

平陽

韓世家貞子徙居平陽世本作景子徙正義晉州城地理志向東平陽

縣堯都也在平河之陽今晉州臨汾縣括地志晉州城因平陽城東面為之

上黨 上地

戰國策周最曰秦盡韓魏之上黨太原秦地天下之半也制

齊楚三晉之命犀武敗於伊闕周君之魏求救魏王以上黨

之急辭之基母恢見魏王曰秦悉塞外之兵與周之衆以攻

南陽而兩上黨絕矣樊餘謂楚王曰韓無兩上黨以臨趙即

趙年腸以上危按大事記秦昭王十四年韓魏攻秦白起

敗之于伊闕又涉何取韓安邑以東至乾河正義源出絳州絳縣東南麓山南流注河

是水冬乾夏流四十五年白起拔韓野王絕上黨道野王懷州河內縣太行山在西北韓獻

上黨於秦上黨守馮亭以郢降趙趙世家馮亭入城市邑十七四十七王

毘攻上黨拔之四十八年白起分軍為三使王毘拔趙武安正義

故城在洛州武安縣西南五十里今屬磁州皮牢與武安相近司馬梗北定太原盡有上黨地在

襄王三年王毘攻上黨諸城悉拔之初置太原郡戰國策所謂兩

魏之間猶安邑魏地而云取韓安邑也上地上黨之地也荀子曰韓之上地方數百蘇

里而趙趙不能凝也故秦奪之後魏地形志上黨郡秦置治壺關城漢治長子縣蘇

代曰龍賈之戰魏襄王五年秦岸門之戰韓宣惠王十七年封陵之戰魏

王五年秦敗高商之戰此戰事趙莊之戰趙肅侯二十二年趙莊與秦之所

殺三晉之民數百萬今其生者皆死秦之孤也西河之外上

雒之地三川晉國之禍三晉之半秦禍如此其大也

何氏論曰六國之勢莫利於為從莫害於為衡六國固嘗收

